



Broj: 02-02-1-1069-2/20
Sarajevo, 16.09.2020.

N/r direktora

PREDMET: Poziv bh. kompanijama za učešće na Međunarodnom sajmu zaštite i sigurnosti na radu A+A 2021, 26-29.10.2021. Düsseldorf, Njemačka

Poštovani,

Vanjskotrgovinska/Spoljnotrgovinska komora Bosne i Hercegovine u saradnji sa švicarskim programom za promociju izvoza SIPPO, organizuje zajednički nastup bh. kompanija na „Međunarodnom sajmu zaštite i sigurnosti na radu A+A 2021“ koji će se održati u periodu od 26 -29.10.2021 u gradu Düsseldorf, Njemačka.

A+A je najveći i najznačajniji međunarodni sajam na svijetu kada je u pitanju sigurnost, bezbjednost i zaštita na radu, a održava se svake dvije godine.

U 2019. godini na ovom međunarodnom sajmu učešće je uzeo 2.121 izlagač iz 63 zemlje, uz prisustvo preko 73.000 poslovnih posjetilaca iz 137 zemalja, čime je ovaj sajam ponovo ostvario rekordne rezultate u svim izlagačkim disciplinama i sektorima.

Na sajmu A+A se predstavljaju sljedeće kategorije proizvoda:

- Lična zaštitna oprema
- Radna odjeća i obuća
- Korporativna odjeća
- Komponente i usluge
- Zdravlje na radu
- Zaštita na radu
- Specijalizirana oprema za prirodne katastrofe

Više informacija o sajmu možete pronaći na zvaničnoj stranici sajma : <https://www.aplusa-online.com/>

Obzirom na već od ranije iskazani interes domaćih firmi, a u skladu sa planom VTK/STK BIH za 2019 godinu, u periodu od 04.- 07.11.2019., kroz zajednički projekat sa švicarskim programom za promociju izvoza (SIPPO) i partnerima UTOK i PKRS, realizovana je studijska posjeta 7 bh.kompanija sajmu A+A 2019. U evaluaciji ove posjete, nakon sajma, firme su iskazale interes za organizacijom zajedničkog štanda Bosne i Hercegovine na ovom sajmu.

Planirano je da Vanjskotrgovinska/Spoljnotrgovinska komora Bosne i Hercegovine za potrebe predstavljanja kompanija iz navedenog sektora zakupi prostor od 60 m². U organizaciji VTK/STK BIH, na sajmu bi učestvovalo minimalno 5 a najviše 6 BH kompanija - suizlagača.



Kriteriji za odabir kompanija - suizlagača:

- kompanija je proizvođač koji može ponuditi proizvode za ličnu zaštitu i sigurnost na radu i/ili korporativnu odjeću;
- kompanija ima iskustvo u poslovima izvoza i upošljava barem jednu osobu koja aktivno komunicira na engleskom (njemačkom) jeziku;
- kompanija je strateški opredjeljena na izvoz prema EU, te posjeduje adekvatan kvalitet proizvoda, te potrebne dozvole i certifikate;
- prednost prilikom odabira kompanija imaju članice VTK/STK BiH koje redovno izmiruju obavezu plaćanja članarine, u skladu sa članom 22. i 23. Zakona o VTK/ STK BiH („Službeni glasnik BiH“, broj: 30/01 i 72/13) <http://www.komorabih.ba/clanarina/>

Troškove zakupa neopremljenog prostora na sajmu kao i troškove izgradnje, transporta i uređenja štanda, za potrebe promocije bh.kompanija, finansirat će VTK/STK BiH.

Kompanije iz Bosne i Hercegovine, čije prijave za izlaganje na sajmu u skladu sa navedenim kriterijima budu prihvaćene, **plaćaju participaciju dijela troškova zakupa štanda u iznosu od 6.000,00 BAM + PDV 17% (po firmi).**

Troškovi smještaja predstavnika kompanija, kao i troškovi putovanja, dnevnica, transporta i špedicije eksponata, osiguranja, parking karata i dr., **nisu uračunati** u gore navedeni iznos participacije, a isti padaju na teret firme – izlagača iz Bosne i Hercegovine.

Prijavu učešća za izlaganje na sajmu A+A 2021, zajedno sa ostalim dokumentima navedenim u Prilogu, potrebno je dostaviti **najkasnije do petka, 25.09.2020.** godine na e-mail adresu: aida.vidimlic@komorabih.ba ili fax. broj: 033 214 292.

Potpisana i ovjerena **četiri originalna primjerka Sporazuma** o reguliranju obaveza, potrebno je **obavezno poslati i poštom na adresu VTK/STK BiH, Branislava Đurđeva 10; 71000 Sarajevo.**

Za više informacija o učešću na sajmu A+A 2021, kontakt osobe su:
Aida Vidimlić, stručna suradnica u VTK/STK BiH (tel.033 566 233) i
Muris Pozderac, sekretar Asocijacije tekstila, odjeće, kože i obuće BiH (tel.033 566 203).

Nadajući se Vašem interesu za sudjelovanjem u izlaganju na sajmu A+A 2021, te očekujući prijavu Vaše kompanije uz potpisan i ovjeren Sporazum, ostajem

S poštovanjem,


DIREKTOR
Enes Ališković

Prilog:

1. Prijavni obrazac za učešće u izlaganju na sajmu A+A 2021 (OB-QMS-851-61);
2. Kategorije proizvoda za izlaganje
3. Sporazum između VTK BiH i kompanije – izlagača o reguliranju obaveza između ugovornih strana;